



Ministry of Civil Affairs

Broj: 14-16-3-2-4/22
Datum: 13.04.2022. godine

Na osnovu člana 70. Zakona o javnim nabavkama BiH (Službeni glasnik BiH broj 39/14), ministrica civilnih poslova Bosne i Hercegovine donosi:

O D L U K U

o izboru najpovoljnijeg ponuđača

I

Najpovoljniji ponuđač u postupku javne nabavke usluga posredovanja u kupovini avio karata objavljenom na web portalu Agencije za javne nabavke BiH, broj obavještenja: 121-1-2-26-3-14/22 od 10.02.2022. godine, koji je proveden u skladu sa procedurom otvorenog postupka je CENTROTRANS d.d. Sarajevo.

II

Ova odluka će se dostaviti ponuđačima u roku od 3 (tri) dana, a najkasnije u roku od 7 (sedam) dana od dana donošenja.

III

Ova odluka stupa na snagu danom donošenja.

OBRAZLOŽENJE

Na osnovu provedenog postupka nabavke, Komisija za nabavke za 2022. godinu je konstatovala da je rok za dostavu ponuda 29.03.2022. godine do 11:00 sati, te da su do navedenog roka na protokol Ministarstva civilnih poslova Bosne i Hercegovine pristiglo 4 ponude i to ponuđača: VENTURA TRAVEL AGENCY d.o.o. Travnik, P.J. Sarajevo, Dinamik-turs d.o.o. Brčko Distrikt, V.I.P. TRAVELS d.o.o. Sarajevo i CENTROTRANS d.d. Sarajevo. Neblagovremenih ponuda nije bilo.

Komisija je prema specifikaciji navedenoj u tenderskoj dokumentaciji, provedenom postupku analize i ocjene ponuda izradila Zapisnik o pregledu i ocjeni ponuda, u kojem su detaljno obrazloženi razlozi za izbor najpovoljnijeg ponuđača.

Ponuda ponuđača VENTURA TRAVEL AGENCY d.o.o. Travnik, P.J. Sarajevo nije prihvatljiva iz razloga što ponuda nije dostavljena skenirana na CD, USB ili sličnoj memoriji, iako je tačkom 14. Tenderske dokumentacije jasno navedeno da su ponuđači obavezni dostaviti skeniranu kompletnu ponudu na CD-u, DVD-u, USB-u ili sličnoj memoriji. Osim toga, njegova ponuda nije prihvatljiva iz razloga što nije dostavljena Potvrda banke kojom se dokazuje da račun nije bio blokiran u posljednjih šest mjeseci od dana izdavanja iste, a što je traženo tačkom 11.2.1. Tenderske dokumentacije, odnosno dokaz u skladu sa članom 47. Zakona o javnim nabavkama. Pored navedenog, utvrđeno je da ponuda ponuđača VENTURA TRAVEL AGENCY d.o.o. Travnik, P.J. Sarajevo nije prihvatljiva, jer nije dostavljena garanciju za ozbiljnost ponude, a što je traženo tačkom 26. Tenderske dokumentacije.

Ponuda ponuđača Dinamik-turs d.o.o. Brčko Distrikt nije prihvatljiva iz razloga što ponuda nije dostavljena skenirana na CD, USB ili sličnoj memoriji, iako je tačkom 14. Tenderske dokumentacije jasno navedeno da su ponuđači obavezni dostaviti skeniranu kompletnu ponudu na CD-u, DVD-u, USB-u ili sličnoj memoriji. Osim toga, ponuda ponuđača Dinamik-turs d.o.o. Brčko Distrikt nije uvezana jamstvenikom, iako je tačkom 13. Tenderske dokumentacije navedeno da ponuda mora da bude osigurana, odnosno uvezana jamstvenikom. Pored navedenog, utvrđeno je da ponuda ponuđača Dinamik-turs d.o.o. Brčko Distrikt nije prihvatljiva, jer nije dostavljena garanciju za ozbiljnost ponude, a što je traženo tačkom 26. Tenderske dokumentacije.

Ponuda ponuđača V.I.P. TRAVELS d.o.o. Sarajevo nije prihvatljiva iz razloga što ponuda nije dostavljena skenirana na CD, USB ili sličnoj memoriji, iako je tačkom 14. Tenderske dokumentacije jasno navedeno da su ponuđači obavezni dostaviti skeniranu kompletnu ponudu na CD-u, DVD-u, USB-u ili sličnoj memoriji.

Komisija je utvrdila da je ponuda ponuđača CENTROTRANS d.d. Sarajevo je kvalifikovana i prihvatljiva, dostavljeni su svi traženi dokazi propisani tenderskom dokumentacijom, na propisan način., te je analizom ponuda, primjenom kriterija najniža cijena, Komisija utvrdila sljedeće:

Najpovoljnija je ponuda ponuđača CENTROTRANS d.d. Sarajevo sa agencijskom naknadom za uslugu rezervacije i obezbjeđivanja avionske karte od 50,00 KM bez PDV-a, odnosno 58,50 KM sa PDV-om. Obzirom da ista u ekonomskom i tehničkom smislu u potpunosti zadovoljava zahtjeve ugovornog organa data je preporuka da se donese odluka o izboru najpovoljnijeg ponuđača.

Na osnovu prijedloga Komisije, odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koje se u žalbi navodi kao povreda zakona i podzakonskih

akata od strane ugovornog organa u postupku javne nabavke. Žalba se izjavljuje u roku od 10 (deset) dana od dana prijema ove odluke. Žalilac izjavljuje žalbu Uredu za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

MINISTRICA



Ankica Gudeljević

DOSTAVITI:

1. *Ponuđačima - elektronski*
2. *Web stranica Ministarstva – na objavu*
3. *a/a*